



**UNIVERZITET U ZENICI
REKTORAT**

- SENAT -

Broj: 01-02-1-3879/21.

Zenica, 01.11.2021. godine

Na osnovu člana 53. Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19, 19/20 i 15/21), člana 63. Statuta Univerziteta u Zenici (Prečišćeni tekst) a u vezi sa članom (4) stav (1) tačka m) Statuta Univerziteta u Zenici (Prečišćeni tekst), Senat Univerziteta u Zenici na svojoj 09. sjednici održanoj 01.11.2021. godine donio je

ODLUKU

o formiranju Centra za rodnu ravnopravnost Univerziteta u Zenici sa sjedištem na Pravnom fakultetu Univerziteta u Zenici.

Član 1.

Ovom Odlukom formira se Centar za rodnu ravnopravnost Univerziteta u Zenici sa sjedištem na Pravnom fakultetu Univerziteta u Zenici.

Član 2.

Centrom za rodnu ravnopravnost Univerziteta u Zenici upravlja koordinator/ica Centra za rodnu ravnopravnost Univerziteta u Zenici.

Član 3.

Zadatak Centra za rodnu ravnopravnost Univerziteta u Zenici podrazumijeva slijedeće: provedba istraživanja među nastavnim osobljem i studentskom populacijom o rodno zasnovanom nasilju i seksualnom uznemiravanju, učešće u izradi Gender akcionog plana za uvođenje rodne ravnopravnosti u visokom obrazovanju u saradnji sa partnerskim fondacijama i drugim partnerskim univerzitetima, učešće predstavnika Centra za rodnu ravnopravnost na treninzima vezanim za rodnu ravnopravnost, učešće na konferencijama o *gender mainstreamingu* u visokom obrazovanju u Bosni i Hercegovini i regiji, organiziranje promocije rezultata istraživanja na Univerzitetu, pozivanje nastavnog osoblja da u okviru javnog poziva učestvuju u pisanju radova o *gender mainstreamingu* u visokom obrazovanju, pozivanje studenata da učestvuju u programima razmjene u BiH i regiji, pripremanje i predstavljanje silabusa i modula na temu rodno zasnovanog nasilja i seksualnog uznemiravanja, učešće u kampanjama protiv rodno zasnovanog nasilja, učešće na ljetnoj školi za nastavno osoblje u vezi s integracijom silabusa o rodno zasnovanom nasilju i seksualnom uznemiravanju, učešće u projektima vezanim za rodnu ravnopravnost i analizi utjecaja implementacije projekata, učešće u konferencijama o rezultatima realizovanih projekata o rodnoj ravnopravnosti u saradnji sa međunarodnim univerzitetima, te ostale aktivnosti vezano za rodnu ravnopravnost.

Član 4.

Odluka stupa na snagu danom donošenja.

Dostavljeno:

1x Pravni fakultet

1x Prorektor međunarodnu saradnju i

osiguranje kvaliteta

1x a/a

PREDSJEDAVAJUĆA SENATA

Prof.dr.sc. Larisa Velić